



Jumat, 29 April 2022
Ogen : Lukas 6: 38



Sukat-Sukat Pemere



Ende-enden si iendeken Joy Tobing “Siapakah diantara kamu yang karna kuatirnya dapat menambahkan sehasta pada jalan hidupnya?” Ngingetken kerna labo lit kalak ban la ia mere, arah dalan e nge ia reh bayakna, ertambah-tambah kal si lit i bas ia. Kinitekenta ngatakenca, Dibata tetap ncukupken kegeluhen kalak si erkiniteken man baNa. Bahkan kalak si melumbar tanna mere tole ka itambahi man bana. Ola min lit kinindelen bagepe aru ate. Sabap, aru ate mahanca i bas kita pe siakap la bias, melala kal kebutuhenta. Apai ka ku kalak si deban? Tentu lanai kita ngasup mere/nampati si lit i bas kita. Sabap kalak si aru ate fokus ku bas dirina ngenca, mpebelin kepingengenna ngenca, lanai ngukurken kalak si deban.

I bas oratenta sendah ngingetken man banta gelah ngasup mere man kalak si deban sabap enggo melala pasu-pasu Tuhan i bas kegeluhenta. Enggo leben kita ipasu-pasu Tuhan emaka kegeluhenta pe jadi pasu-pasu man kalak si deban. Pagin pe ibereken Dibata man banta tole. I bas kita mere e labo arus mbue, sitik pe tapi enggo lit ukur si ersuruh guna mere e me si mehulina. Maka kalak si ngalokenca pe ermengkah ukurna dengen ngataken bujur. Si ibereken Dibata luar biasa man banta, itungtungkenNa pasu-pasu e jadi gambaren Dibata mereken pasu-pasu terbelinen man banta. Lukas make istilah: itungtungken ku bas tandu asa ngasup tandu ngalokenca. Asa ngasup tan ertina secukupna.

Selaku Moria, payo kita nge ngaturken perbeliten i bas jabu, tapi ola kita lupa guna mediate man sekelewetta, sabap si e ngena kal ate Dibata adi lit tole si bahan si mehuli man kalak si deban. Tuhanta Jesus Kristus jadi usihenta, i bas kegeluhenNa rusur ilakokenNa si mehuli Ia mere diriNa, pengajarenNa, waktuNa kerina gelah kita pe ngasup mereken si lit i bas kita.